



2025-2026

WWW.EUROPEANSCHOOL.GE

ბუნამკვიდრები
ევროპული საბავშვო ბაღი



ძვირფასო მშობლებო, პატივცემულო კოლეგებო!

კეთილი იყოს თქვენი მობრძანება "ევროპულ საბავშვო ბაღში" ჩვენთვის დიდი პატივია, ვიყოთ თქვენი შვილების განათლებისა და აღზრდის პროცესის ნაწილი.

ჩვენი საბავშვო ბაღი წარმოადგენს სივრცეს, სადაც ბავშვი იღებს უნიკალურ გამოცდილებას, რომელიც მათ მთელი ცხოვრების განმავლობაში გაჰყვებათ. ოჯახთან ერთად საბავშვო ბაღი უდიდეს როლს ასრულებს ბავშვის ჰოლისტურ განვითარებაში. ჩვენთან ბავშვებს დახვდებათ სიყვარულით სავსე გარემო, სადაც თითოეული მათგანი თავს იგრძნობს უსაფრთხოდ, ბედნიერად და დაფასებულად.



ცნობისმოყვარეობის, ინოვაციისა და სოციალური პასუხისმგებლობის პრინციპებზე დაფუძნებით, ჩვენ ვქმნით მრავალფეროვან და ინკლუზიურ საზოგადოებას, სადაც თითოეულ ბავშვს შეუძლია სრულად გამოიყენოს თავისი უნიკალური შესაძლებლობები.

ჩვენი გუნდი ყოველდღიურად ზრუნავს, რომ ბავშვმა მიიღოს საუკეთესო გამოცდილება, რომელიც ეფუძნება ინოვაციურ მეთოდებს, თამაშსა და სიყვარულს. ვიცით, რამდენად მნიშვნელოვანია თქვენი ნდობა და ვცდილობთ, ის ყოველთვის გავამართლოთ.

"ევროპული საბავშვო ბაღის" საგანმანათლებლო-სააღმზრდელო პროგრამა ეფუძნება ინოვაციურ მიდგომებს, რომელიც ხელს უწყობს ბავშვს იყოს მოტივირებული, ცნობისმოყვარე და მაქსიმალურად გამოხატოს საკუთარი თავი. ჩვენი მიზანია, ბავშვი ჩამოყალიბდეს მუდმივი ცოდნის მძიებლად და თავდაჯერებულ პიროვნებად.

გზამკვლევეში გაეცნობით ბაღის პრინციპებს, წესებსა და ყოველდღიური ცხოვრების ორგანიზების დეტალებს. ის შექმნილია, რათა გაგიადვილოთ ბაღთან ურთიერთობა და უზრუნველყოს გამჭვირვალობა ბაღსა და ოჯახს შორის.

მე, როგორც "ევროპული საბავშვო ბაღის" ხელმძღვანელს, გულწრფელად მჯერა, რომ ჩვენს ბაღში გატარებული თითოეული დღე დაუვიწყარი შთაბეჭდილება იქნება ჩვენი პატარებისთვის. ვაფასებთ თქვენს ნდობას და ვიმედოვნებთ, რომ ჩვენი თანამშრომლობა წარმატებული და ხანგრძლივი იქნება.

პატივისცემით,

მარიამ ნადირაძე

ევროპული საბავშვო ბაღის ხელმძღვანელი

სარჩევი



1. ევროპული საბავშვო ბაღის მისია და ღირებულებები.....	3
2. ზოგადი ინფორმაცია	4
3. მიღების და ჩარიცხვის პოლიტიკა	5
4. საგანმანათლებლო პროგრამის მიმოხილვა.....	6
5. დღის განრიგი.....	9
6. ქცევის და დისციპლინის პოლიტიკა	10
7. სპეციალური საჭიროებები და ინკლუზია	10
8. კომუნიკაცია და მშობლების ჩართულობა.....	11
9. ბავშვთა კეთილდღეობა	11
10. ჯანმრთელობისა და უსაფრთხოების პოლიტიკა.....	12
11. კვება და კვების პოლიტიკა.....	14
12. საგანგებო სიტუაციების პროცედურები	15
13. ჩაცმულობის კოდექსი და პირადი ნივთები.....	16
14. ბავშვის მოყვანისა და წყვანის პროცედურები	17
15. დასკვნითი სიტყვა	18



1.მისია და ღირებულებები

ჩვენი მისია

„ევროპული საბავშვო ბაღი“ ბავშვებს სთავაზობს გამორჩეულ სკოლამდელ განათლებას მზრუნველ და განმავითარებელ გარემოში, სადაც თითოეულ ბავშვს აქვს შესაძლებლობა გამოავლინოს თავისი პოტენციალი, განვითარდეს შემოქმედებითი აღმოჩენებით, გაიზარდოს პიროვნულად და გახდეს, პასუხისმგებლობის მქონე გლობალური მოქალაქე.“

ჩვენი ღირებულებები

- ინოვაციის გზით სვლა
- საკუთარი შესაძლებლობების აღმოჩენა
- განვითარება თამაშის საშუალებით
- გლობალური მოქალაქეობა

ჩვენ ვიდევნით, რათა:

- შევქმნათ ინკლუზიური, მრავალფეროვანი და ინოვაციური სასწავლო გარემო, სადაც თითოეულ ბავშვს ექნება განვითარების შესაძლებლობა.
- განვავითაროთ და გავაძლიეროთ ჩვენი ბავშვები ჰოლისტიურად, შემოქმედებითად, სოციალურად, ფიზიკურად და ეთიკურად ქართულ კულტურასთან ჰარმონიაში;
- ხელი შევუწყოთ მათ მუდმივ კვლევასა და აღმოჩენებს თამაშისა და შემოქმედებითი პროცესების მეშვეობით.
- ხელი შევუწყოთ მუდმივად ცოდნის მაძიებლების ჩამოყალიბებას.

2. ზოგადი ინფორმაცია

საშუალო საათები: ორშაბათიდან პარასკევის ჩათვლით, **09:00- 18:00** საათამდე.

დაგვიანების პოლიტიკა:

მიუხედავად იმისა, რომ ბავშვის ბაღში მოყვანის მკაცრი გრაფიკი არ გვაქვს, **ჩვენი რეკომენდაციაა**, ბავშვი დილით **9:00** საათისთვის მოიყვანოთ. ეს დრო განისაზღვრა იმისთვის, რომ ბავშვმა სრულად მიიღოს მონაწილეობა ბაღის დღის განრიგით გათვალისწინებულ ყველა აქტივობაში და ისარგებლოს, როგორც საგანმანათლებლო, ასევე დღის განრიგის სხვა კომპონენტებით.

კალენდარი

აკადემიური წელი **2025/2026** იწყება **16** სექტემბერს და გაგრძელდება **30** ივნისის ჩათვლით.

აკადემიური წელი იყოფა 2 სემესტრად:

I სემესტრი-16/09/2025-30/12/2025 , II სემესტრი -15/01/2026-30/06/2026

აკადემიურ კალენდარში წითელი ფერით აღნიშნულია საყოველთაო დასვენების დღეები, ხოლო ლურჯი ფერით - ბაღის უქმე დღეები.

სექტემბერი 2025						
Su	Mo	Tu	We	Th	Fr	Sa
		16	17	18	19	20
21	22	23	24	25	26	27
28	29	30				

იანვარი 2026						
Su	Mo	Tu	We	Th	Fr	Sa
				1	2	3
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

მისობი 2026						
Su	Mo	Tu	We	Th	Fr	Sa
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

ევროპული საბავშვო ბაღი



2025-2026

აკადემიური კალენდარი

ოქტომბერი 2025						
Su	Mo	Tu	We	Th	Fr	Sa
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

თებერვალი 2026						
Su	Mo	Tu	We	Th	Fr	Sa
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28

օգոստոս 2026						
Su	Mo	Tu	We	Th	Fr	Sa
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

ნოემბერი 2025						
Su	Mo	Tu	We	Th	Fr	Sa
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

მარტი 2026						
Su	Mo	Tu	We	Th	Fr	Sa
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

დეკემბერი 2025						
Su	Mo	Tu	We	Th	Fr	Sa
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

აპრილი 2026						
Su	Mo	Tu	We	Th	Fr	Sa
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

სადღესასწაულო დღეები:

14 ოქტომბერი-მცხეთობა(სვეტიცხოვლობა)

23 ნოემბერი-გიორგობა

1-2 იანვარი-ახალი წლის სადღესასწაულო დღეები

7 იანვარი-ქრისტეს შობა

19 იანვარი-ნათლისღება

3 მარტი-დედის დღე

8 მარტი - ქალთა საერთაშორისო დღე

9 აპრილი- საქართველოს ეროვნული ერთიანობის დღე

9-13 აპრილი-საადგომო დღეები

9 მაისი-გამარჯვების დღე

12 მაისი- წმინდა ანდრია მოციქულის ხსენების დღე

17 მაისი-ოჯახის დღე

26 მაისი-საქართველოს დამოუკიდებლობის დღე

ზამთრის არდადეგები: 31.12.2025-14.01.2026

საგაზაფხულო არდადეგები: 02.03.2026- 06.03.2026

3. მიღების და ჩარიცხვის პოლიტიკა

რეგისტრაციისთვის მშობელმა/კანონიერმა წარმომადგენელმა უნდა შეავსოს ელექტრონული სააპლიკაციო ფორმა სკოლის ოფიციალურ ვებგვერდზე

www.europeanschool.ge



<https://es.openapply.com>

ჩარიცხვის პროცესი და საჭირო დოკუმენტაცია:

1. მოსწავლის დაბადების მოწმობის სანოტარიო წესით დამოწმებული ასლი;
2. მოსწავლის პირადობის მოწმობა, ან პასპორტის ასლი;
3. მშობლების პირადობის მოწმობის ან პასპორტის ასლი;
4. მოსწავლის ჯანმრთელობის ცნობა / ფორმა N 100
5. მოსწავლის ფოტო 3X4

სააპლიკაციო ფორმის შევსებისას მშობელი ან კანონიერი წარმომადგენელი ერთჯერადად იხდის რეგისტრაციის საფასურს – 100 ევროს ეკვივალენტს ლარში, როგორც ქართული, ისე ინგლისური სექტორისთვის.


ასაკობრივი ჯგუფები და ჯგუფში ბავშვთა რაოდენობა

ბაღში ფინქციონირებს ორი სექტორი: ქართული და ინგლისური. ორივე სექტორზე გვაქვს შემდეგი ასაკობრივი ჯგუფები:

- 3-დან 4 წლამდე
- 4-დან 5 წლამდე
- 5-დან 6 წლამდე

დაწესებულებაში კურსკულუმიდან გამომდინარე სააღმზრდელო-საგანმანათლებლო პროცესი ხორციელდება ჯგუფური მოწყობის პრინციპით, ამიტომ თითოეულ ჯგუფს გამოყოფილი აქვს ინდივიდუალური ჯგუფური ოთახი, საერთო სასადილო სივრცე, სპორტული დარბაზი, ხელოვნების სტუდია და ეზო.

ბაღის პროგრამა ითვალისწინებს **3-დან 4 წლამდე ბავშვების ძილს**. შესაბამისად ამ ასაკობრივ ჯგუფებს აქვთ საძინებელი ოთახები.




4. საგანმანათლებლო პროგრამის მიმოხილვა

კურიკულუმი

საბავშვო ბაღის კურიკულუმის საფუძვლად ითვლება ოთხი ურთიერთდაკავშირებული კომპონენტი:

1. **ვთამაშობთ:** თამაში როგორც სწავლების ძირითადი მეთოდი, რომელიც აერთიანებს ბავშვების კოგნიტურ, სოციალურ და ემოციურ განვითარებას.
2. **ვქმნით:** შემოქმედებითი აქტივობები, რომლებიც ხელს უწყობს იდეების გენერირებას და დამოუკიდებლობის განვითარებას.
3. **ადმოვარქნთ:** კვლევაზე და ცნობისმოყვარეობაზე დაფუძნებული აქტივობები, რომლებიც ბავშვს ეხმარება სამყაროს შეცნობაში.
4. **ვსწავლობთ:** ცოდნის მიღებისა და გამოცდილების პრაქტიკაში გამოყენების პროცესი.



კურიკულუმის მიზნები სამ ძირითად მიმართულებას აერთიანებს:

- ურთიერთობა და ემოციური განვითარება
- აღმოჩენა და შემოქმედება
- გლობალური ცნობიერება

აღნიშნული მიზნები შეესაბამება ადრეული და სკოლამდელი აღზრდისა და განათლების სახელმწიფო სტანდარტით განსაზღვრულ ბავშვის განვითარების სფეროებს და თემატურ მიმართულებებს.

ურთიერთობა და ემოციური განვითარება

- გუნდური მუშაობა: ბავშვების ჩართულობა კოლაბორაციულ და სოციალურ აქტივობებში.
- ურთიერთპატივისცემა და ემპათია: თანაგრძნობისა და ზრუნვის უნარების განვითარება.
- თამაშის მეშვეობით სწავლება: სოციალური უნარების და კომუნიკაციის გაძლიერება.

აღმოჩენა და შემოქმედება

- ცნობისმოყვარეობის გაღვივება: ექსპერიმენტების, პროექტების და შემოქმედებითი აქტივობების საშუალებით.
- მრავალმხრივი განვითარება: ხელოვნების, მეცნიერების, წიგნიერებისა და სხვა სფეროების კვლევა და აღმოჩენა.
- პრობლემის გადაჭრა: ბავშვებს საშუალება აქვთ დასვან კითხვები, დაგეგმონ, შეაგროვონ ინფორმაცია და გააკეთონ დასკვნები.

გლობალური ცნობიერება

- თანასწორობა და მრავალფეროვნება: ბავშვებში პატივისცემისა და ტოლერანტობის განვითარება განსხვავებული კულტურებისა და ტრადიციების მიმართ.
- ეკოლოგიური ცნობიერება: ბუნების დაცვაზე ზრუნვის მნიშვნელობის გაცნობა.
- ციფრული უნარების განვითარება: თანამედროვე ტექნოლოგიებთან მუშაობის და უსაფრთხო ციფრული ქცევის ძირითადი პრინციპების სწავლება.

STEAM განათლება საბავშვო ბაღში

ჩვენი საბავშვო ბაღი გთავაზობთ STEAM განათლებას, რომელიც აერთიანებს მეცნიერებას, ტექნოლოგიას, ინჟინერიას, ხელოვნებასა და მათემატიკას. ჩვენი პროგრამა ბავშვებს აძლევს შესაძლებლობას, თამაშისა და პრაქტიკული აქტივობების საშუალებით იკვლიონ სამყარო, განივითარონ კრეატიული და კრიტიკული აზროვნება და შეიძინონ პრობლემის გადაჭრის უნარი.

STEAM სწავლება ხელს უწყობს ბავშვების ბუნებრივ ცნობისმოყვარეობას და უნარს შექმნან, აღმოაჩინონ და გამოიყენონ ახალი ცოდნა ყოველდღიურ ცხოვრებაში. ჩვენი ინტერაქტიული და ინოვაციური მიდგომა უზრუნველყოფს საგანმანათლებლო გარემოს, სადაც ბავშვები მოსინჯავენ, შეისწავლიან და შექმნიან.

ტექნოლოგიების გამოყენება საბავშვო ბაღში ლიმიტირებულია და მხოლოდ საგანმანათლებლო მიზნებისთვის გამოიყენება, დღეში არაუმეტეს 20-30 წუთისა.

დამატებითი განმავითარებელი აქტივობები საბავშვო ბაღის კურიკულუმში

დამატებითი განმავითარებელი აქტივობები წარმოადგენს საბავშვო ბაღის კურიკულუმის მნიშვნელოვან კომპონენტს, რომელიც ემსახურება ბავშვის ჰოლისტურ განვითარებას. ეს აქტივობები ორიენტირებულია ბავშვთა კოგნიტური, შემეცნებითი, ფიზიკური და შემოქმედებითი უნარების გაძლიერებაზე. მათი დაგეგმვა და განხორციელება ხდება მშობელთან შეთანხმებით, ბავშვების ასაკობრივი, ინდივიდუალური შესაძლებლობებისა და ინტერესების გათვალისწინებით.

დამატებითი აქტივობებია:

- ვიზუალური ხელოვნება
- მუსიკა
- ცეკვა, ბალეტი
- ჭადრაკი
- LEGO რობოტიკისი
- ფეხბურთი, კარატე
- ინგლისური ენა

ასაკობრივი ჯგუფების მიხედვით გადანაწილება

- ყველა ასაკობრივი ჯგუფი: ხელოვნება, ცეკვა, მუსიკა, ინგლისური ენა.
- 5-6 წლიანები: ჭადრაკი, LEGO, ფეხბურთი, კარატე, ბალეტი.
- 4-5 წლიანები: ჭადრაკი, კარატე, ბალეტი.
- 3-4 წლიანები: კარატე, ბალეტი.

ვიზუალური ხელოვნება

- შემოქმედებითი უნარების გაძლიერება.
- ფერებისა და ფორმების აღქმის გაუმჯობესება.
- სხვადასხვა ტექნიკით ხელოვნების ნიმუშების შექმნა.

მუსიკა

- ბგერების და რიტმის აღქმის გაუმჯობესება.
- სიმღერებისა და მელოდიების მეშვეობით მეხსიერებისა და ენების სწავლების ხელშეწყობა.
- მუსიკალური ინსტრუმენტების გამოყენება და მათი შესწავლა.

ცეკვა, ბალეტი

- სხეულის კონტროლის, კოორდინაციისა და რიტმის განვითარება.

- სხვადასხვა კულტურის ცეკვების გაცნობა და სწავლის პროცესში ჩართვა.
- ჯგუფური ცეკვების საშუალებით სოციალური უნარების გაძლიერება.
- ბალეტის ელემენტების გამოყენება, ყურადღებისა და დისციპლინის განვითარების ხელშეწყობა.

ჭადრაკი

- აზროვნების მოქნილობის და გრძელვადიანი დაგეგმვის უნარების განვითარება.
- მოთმინებისა და საკუთარი ქცევის კონტროლის გაძლიერება.
- გუნდური თამაშების ორგანიზება, რაც სოციალური უნარების გადრმავებას უწყობს ხელს.
- მარტივი სტრატეგიული თამაშების სწავლება და პრაქტიკა.

LEGO

- ინჟინერიის და კონსტრუქციის საწყისი პრინციპების სწავლება.
- გუნდური პროექტების მეშვეობით კომუნიკაციისა და კოლაბორაციის უნარების გაძლიერება.
- ფანტაზიისა და შემოქმედებითი მიდგომის სტიმულირება.
- თემატური პროექტების შექმნა (მაგ., "შენობების აგება" ან "ცხოველების მოდელირება").

ფეხბურთი, კარატე

- ფიზიკური გამძლეობის, კოორდინაციისა და სენსორული უნარების გაუმჯობესება.
- გუნდურობისა და დისციპლინის განვითარება.
- მარტივი ვარჯიშები, რომლებიც ბავშვების კუნთოვანი ტონუსის განვითარებას და ფიზიკურ გამძლეობას უწყობს ხელს.
- თამაშებზე ორიენტირებული ვარჯიშები, რომლებიც სწრაფი გადაწყვეტილების მიღების უნარს აძლიერებს.
- სოციალური უნარების განვითარება გუნდური თამაშების მეშვეობით.

მეორე ენის სწავლება საბავშვო ბაღში (ინგლისური ენა)

მეორე ენის სწავლება ადრეულ ასაკში წარმოადგენს ბავშვების ენობრივი, კოგნიტური და სოციალური განვითარების ერთ-ერთ მნიშვნელოვან საფუძველს, რაც ეხმარება მათ არა მხოლოდ კომუნიკაციური უნარების გადრმავებაში, არამედ ემოციების გამოხატვასა და კულტურათაშორისი ცნობიერების ჩამოყალიბებაში. ადრეულ ასაკში ენის სწავლება ქმნის შესაძლებლობას, რომ ბავშვმა უკეთ გაითავისოს ახალი ენა და სწრაფად შეითვისოს მისგან მიღებული ცოდნა და უნარები, რაც მას მომავალში გლობალური მოქალაქეობის პრინციპების უკეთ აღქმისა და გამოყენების საშუალებას მისცემს.

5. დღის განრიგი

თითოეული ასაკობრივი ჯგუფისთვის წლის დასაწყისში მუშავდება ინდივიდუალური დღის განრიგი, რომელიც სრულად პასუხობს ბავშვის საჭიროებებსა და განვითარების მიზნებს. დღის განრიგის მიზანია ბავშვისთვის კომფორტული, თანმიმდევრული და მრავალფეროვანი დღის სტრუქტურის უზრუნველყოფა, რომელიც მოიცავს როგორც დადებით ასევე თავისუფალ საგანმანათლებლო და შემოქმედებით აქტივობებს. აღნიშნული განრიგი კონკრეტული ჯგუფისთვის ხელმისაწვდომი იქნება

შესაბამისი ჯგუფის დახურულ ფეისბუქ გვერდზე, სკოლის ოფიციალურ ვებგვერდზე და ევროპული საბავშვო ბაღში განთავსებულ საინფორმაციო დაფაზე.

**ევროპული
საბავშვო ბაღი**

ჩვენ შესახებ

ევროპული ბაღის 3D ტური

ევროპული ბაღის პროგრამა

მიღება

მშობლებისათვის

ბავშვებისთვის

ახალი ამბები

გალერეა

კონტაქტი

აკადემიური კალენდარი

განრიგი

კვირის მენიუ

ხშირად დასმული
კითხვები

რეგულაციები



6. ქცევის და დისციპლინის პოლიტიკა

პოზიტიური მოტივაციის ტექნიკა.

ევროპული ბაღი იყენებს ბავშვის ქცევის პოზიტიური მართვის მეთოდებს. ქცევის პოზიტიური მართვის მეთოდები ემყარება ბავშვის ემოციური, სოციალური და ქცევითი განვითარების ხელშეწყობას. ეს მიდგომები მიზნად ისახავს ბავშვისთვის უსაფრთხო და მხარდამჭერი გარემოს შექმნას, სადაც ის შეძლებს საკუთარი ქცევის რეგულირებას და მიმდინარე პროცესში ჩართულობას. ქცევის პოზიტიური მართვის მეთოდები ხელს უწყობს არა მხოლოდ არასასურველი ქცევის შემცირებას, არამედ ბავშვის სოციალური და ემოციური კომპეტენციების ამაღლებას.

7. სპეციალური საჭიროებები და ინკლუზია

ევროპული ბაღი ეყრდნობა ინკლუზიური განათლების პრინციპებს და ითვალისწინებს თითოეული ბავშვის განვითარების ტემპს, მათ უნიკალურ საჭიროებებს და მიზნებს. საგანმანათლებლო პროცესში ვითვალისწინებთ ბავშვის ინტერესებს, მიღწევებსა და საჭიროებებს. ინდივიდუალიზაციის პროცესი მოიაზრებს აქტივობების ადაპტირებას, თამაშის გამართვებას ან გართულებას და შესაბამისი

სტრატეგიების გამოყენებას. სპეციალური საჭიროების მქონე ბავშვების შემთხვევაში ხდება ინდივიდუალური გეგმების შემუშავება მშობლების, სპეციალისტებისა და შესაბამისი გარემოს მხარდაჭერის ცენტრების ჩართულობით.

8. კომუნიკაცია და მშობლების ჩართულობა

მშობლებსა და აღზრდელებს შორის ეფექტური კომუნიკაციის უზრუნველსაყოფად, ჩვენ ვიყენებთ სხვადასხვა საკომუნიკაციო არხს:

- ელ-ფოსტა: სიახლეებისა და მნიშვნელოვანი შეტყობინებების მიწოდებისთვის.
- სოციალური მედიის დახურული ჯგუფები (Facebook): სადაც განთავსებულია ბავშვების აქტივობების ფოტოები, ვიდეოები და მშობლებისთვის სასარგებლო ინფორმაცია.

ვებგვერდი: <https://europeanschool.ge/istoria/>

მოხალისეობის შესაძლებლობები და მშობლების შეხვედრები.

ჩვენ ვაფასებთ მშობლების აქტიურ ჩართულობას და გთავაზობთ მოხალისეობის სხვადასხვა შესაძლებლობას ბაღის ღონისძიებებში, სასწავლო აქტივობებში და სპეციალურ პროექტებში. მოხალისეობა ხელს უწყობს ბავშვებთან უფრო მჭიდრო კავშირის დამყარებას და მშობლებთან ჩართულობას ბაღის ყოველდღიურ ცხოვრებაში.

მშობლებთან რეგულარული შეხვედრები ტარდება სასწავლო პროცესის, ბავშვის პროგრესისა და ბაღის სიახლეების განსახილველად. შეხვედრების განრიგი წინასწარ გეცნობებათ ელ-ფოსტის ან დახურული ჯგუფების საშუალებით.

მოხარული ვიქნებით თქვენი ჩართულობით და თანამშრომლობით, რათა შევექმნათ საუკეთესო გარემო ჩვენი ბავშვებისთვის.

9. ბავშვთა კეთილდღეობა

“ევროპული ბაღის“ ბავშვთა კეთილდღეობაზე ზრუნვის გუნდის მიზანია ბავშვთა და მშობელთა ემოციური უსაფრთხოების უზრუნველყოფა, მათ შორის ტრანზიციისა და ადაპტაციის პერიოდში მხარდაჭერა. ჩვენი გუნდი პატივისცემით ეკიდება თითოეული ბავშვის გრძნობებს, ხელს უწყობს მის სოციალური, ემოციური და კომუნიკაციური უნარების განვითარებას.

გუნდი აერთიანებს: ფსიქოლოგთა გუნდს, ექიმს, ლოგოპედს და ბავშვთა უფლებების დაცვის ოფიცერს.

ბავშვთა უფლებების დაცვის ოფიცერი

ბავშვთა უფლებების დაცვის ოფიცერი ფსიქოლოგთა გუნდთან ერთად უზრუნველყოფს ბაღის მთელი საზოგადოების ცნობიერების ამაღლებას ბავშვთა მიმართ ძალადობის თავიდან აცილებისა და პრევენციის მიზნით. ბაღის პერსონალისა და მშობლებისთვის შესაბამისი ტრენინგებისა და ვორქშოპების ორგანიზებას. ძალადობის ფაქტის გამოვლენას და ასეთი შემთხვევისთვის შემუშავებული პროცედურების დაცვას.

ფსიქოლოგთა გუნდი

ფსიქოლოგთა გუნდი ზრუნავს ბავშვთა ფსიქო-ემოციურ მდგომარეობაზე. მიმდინარე პროცესი მოიცავს ბავშვებთან, როგორც ჯგუფურ, ისე ინდივიდუალურ სამუშაოს, რაც განაპირობებს მათ ჯანსაღ გარემოში ყოფნასა და თვითგამოხატვის ხელშეწყობას. ასევე საჭიროების შემთხვევაში ინდივიდუალურ შეხვედრებს მშობლებთან და მასწავლებლებთან.

ლოგოპედი

კვალიფიციური ლოგოპედი საჭიროების შემთხვევაში სათანადო დახმარებას უწევს ბავშვებს. ტარდება ჯგუფური და ინდივიდუალური მეცადინეობები.

ჩვენი სკოლის ლოგოპედიური კაბინეტი აღჭურვილია ყველა საჭირო დიდაქტიკური თუ ტექნიკური მასალით. სამუშაო პროცესში ჩართულია ისეთი ნოვატორული მეთოდები, როგორებიცაა: ლოგორითმიკა, რელაქსაციური და ფსიქოთერაპიული მეთოდები, ლოგოპედიური მასაჟი როგორც სამეტყველო აპარატის, ასევე თითების.

ექიმი

ბაღის ექიმი მასწავლებლებთან ერთად მონაწილეობას იღებს ბავშვების ფიზიკური აღზრდის სწავლებასაში. ზედამხედველობას უწევს სწორი კვების ორგანიზებასა და სანიტარულ-ჰიგიენური ნორმების დაცვას; სისტემატურად ატარებს სანიტარულ-ჰიგიენურ პროფილაქტიკურ სამუშაოებს. აკვირდება ბავშვების ფიზიკურ განვითარებასა და ჯანმრთელობის მდგომარეობას, უზრუნველყოფს პირველადი სამედიცინო დახმარების გაწევას, ატარებს სანიტარიულ-საგანმანათლებლო მუშაობას ბაღის პერსონალთან.

10. ჯანმრთელობისა და უსაფრთხოების პოლიტიკა

ბავშვების ჯანმრთელობა და უსაფრთხოება უმთავრესი პრიორიტეტია. საბავშვო ბაღის ყველა წესი და პროცედურა შექმნილია იმისთვის, რომ უზრუნველყოს უსაფრთხო და ჯანსაღი გარემო, სადაც ბავშვები თავს დაცულად და კომფორტულად იგრძნობენ.

სამედიცინო შემოწმების მოთხოვნები

- რეგისტრაციისას აუცილებელია ბავშვის ჯანმრთელობის მდგომარეობის შესახებ ცნობის (ფორმა N 100) წარმოდგენა, სადაც ასევე აღნიშნული უნდა იყოს მისი იმუნიზაციის სტატუსი.
- თუ ბავშვს აქვს სპეციალური სამედიცინო საჭიროებები, მშობელმა წინასწარ უნდა აცნობოს ადმინისტრაციას და წარმოადგინოს შესაბამისი სამედიცინო დოკუმენტაცია.

ბავშვის ავადობის შემთხვევაში მოქმედი წესები

1. დროული შეტყობინება

ბავშვის ავადმყოფობის შემთხვევაში მშობელმა უნდა აცნობოს ჯგუფის საგანმანათლებლო პერსონალს. განსაკუთრებით, მაღალი გადამდებლობის რისკის მქონე დაავადებების შემთხვევაში, რათა მიღებულ იქნას შესაბამისი ზომები.

2. ბაღში მიღების პირობები

ბავშვს, რომელსაც აღენიშნება ცხელება, დებიინება, დიარეა, ინფექციური დაავადება ან სხვა გადამდები სიმპტომები, სავალდებულოა ბავშვის სახლში დარჩენა სრულ გამოჯანმრთელებამდე, რათა დაცული იყოს სხვა ბავშვების ჯანმრთელობაც.

3. ბაღში დაბრუნება

ბავშვი ბაღში დაბრუნებას შეძლებს მხოლოდ მაშინ, როდესაც სიმპტომები სრულად გაუვლის. საჭიროების შემთხვევაში, შეიძლება მოთხოვნილ იქნას სამედიცინო ცნობა ექიმის რეკომენდაციის საფუძველზე.

4. ინფორმაციის გავრცელება

ინფექციური დაავადებების (გრიპი, ჩუტყვავილა, კონიუნქტივიტი და სხვ.) გამოვლენის შემთხვევაში, ბაღის ადმინისტრაცია დროულად აცნობებს სხვა მშობლებს, პირადი მონაცემების დაცვის პრინციპების გათვალისწინებით, რათა მიღებულ იქნას საჭირო პრევენციული ზომები.

5. ინფრასტრუქტურა და აღჭურვილობა

ბაღში ფუნქციონირებს ექიმის კაბინეტი, რომელიც აღჭურვილია აუცილებელი სამედიცინო ინვენტარით და ნებისმიერ დროს ხელმისაწვდომია.

შენობის სხვადასხვა ნაწილში განთავსებულია პირველადი დახმარების ყუთები, რომლებიც მხოლოდ პერსონალისთვისაა ხელმისაწვდომი.

6. გადაუდებელი შემთხვევების მართვის პროცედურები

საბავშვო ბაღის ყველა თანამშრომელი გადამზადებულია პირველადი დახმარების კუთხით და იცნობს გადაუდებელი შემთხვევების მართვის პროტოკოლს, რათა სწრაფად და ეფექტიანად მოახდინოს რეაგირება.

ბაღში მუშაობს კვალიფიციური ექიმი, რომელიც ყოველდღიურად აკონტროლებს ბავშვების ჯანმრთელობას და საჭიროების შემთხვევაში უზრუნველყოფს პირველადი სამედიცინო დახმარების გაწევას.

7. გადაუდებელი შემთხვევების მართვა

სერიოზული შემთხვევისას (მაგ., ძლიერი ალერგიული რეაქცია, მძიმე ტრავმა, მწვავე დაავადება), მშობლები დაუყოვნებლივ მიიღებენ შეტყობინებას, ხოლო საჭიროების შემთხვევაში მოხდება სასწრაფო სამედიცინო დახმარების გამოძახება.

ყველა ინციდენტი რეგისტრირდება და ინახება შესაბამის დოკუმენტაციაში, რათა მოხდეს სიტუაციის ანალიზი და დამატებითი უსაფრთხოების ზომების მიღება.

ბავშვების ჯანმრთელობა და უსაფრთხოება ჩვენი მთავარი საზრუნავია. გთხოვთ, გაითვალისწინოთ აღნიშნული წესები და რეგულაციები.

11. კვება და კვების პოლიტიკა

ჩვენი ბაღი უზრუნველყოფს **სამჯერად, დაბალანსებულ კვებას**, რომელიც სრულად აკმაყოფილებს ბავშვის ჯანმრთელობისა და განვითარების საჭიროებებს. მენიუ შედგენილია ენერგეტიკული ღირებულებებისა და აუცილებელი საკვები ნივთიერებების გათვალისწინებით.

სამზარეულოს ყველა პროცესი რეგულირდება **HACCP სისტემით**, რომელიც წარმოადგენს გლობალურად აღიარებულ საკვების უსაფრთხოების უმაღლეს სტანდარტებს – ნედლეულის შეძენიდან მზა კერძების მიწოდებამდე.

ვიყენებთ მხოლოდ მაღალი ხარისხის ნედლეულს, რომელიც მოწოდებულია სერტიფიცირებული და სანდო მომწოდებლების მიერ, ხოლო ჩვენი კვების სერვისი ინდივიდუალურ დიეტურ მოთხოვნებზეა მორგებული.


თუ ბავშვს აქვს კვებითი ალერგია, მშობელი ვალდებულია წინასწარ აცნობოს ადმინისტრაციას. ჩვენ განსაკუთრებულ ყურადღებას ვაქცევთ თითოეული ბავშვის ინდივიდუალურ საჭიროებებს და ვზრუნავთ ალერგიის მართვაზე უსაფრთხო და ჯანსაღი გარემოს უზრუნველსაყოფად.

საკვებისა და სასმელის ჰიგიენისა და უსაფრთხოების უზრუნველსაყოფად, ბაღში აკრძალულია ნებისმიერი გარე საკვები და სასმელი პროდუქტების შემოტანა. ეს რეგულაცია უზრუნველყოფს ბავშვებისთვის უსაფრთხო და კონტროლირებად კვებით გარემოს, ხელს უწყობს ალერგიული რეაქციების პრევენციას და ზრუნავს მათი ჯანმრთელობისა და კეთილდღეობის დაცვაზე.

ყოველი კვირის ბოლოს განახლებული მენიუ განთავსებულია ვებ გვერდზე და ბაღის საინფორმაციო დაფაზე.

	ორშაბათი/Monday	სამშაბათი/Tuesday	ოთხშაბათი/Wednesday	ხუთშაბათი/Thursday	პარასკევი/Friday
საუზმე Breakfast	მოხარშული კვერცხი ხიზილალა კარაქიანი პური ხილის ჩაი ხილი Egg (boiled) Red caviar Bread and butter Fruit tea Fruits	ფაფა (შრიის) კარაქიანი პური, ყველი ხილის ჩაი და კაკაო ხილი Porridge (oat flakes) Bread and butter Cheese Fruit tea and hot chocolate Fruits	ფაფა (მანანის) კარაქიანი პური, ყველი ხილის ჩაი და კაკაო ხილი Porridge (semolina) Bread and butter Cheese Fruit tea and hot chocolate Fruits	ფაფა (ბრინჯის) კარაქიანი პური, ყველი ხილის ჩაი და კაკაო ხილი Porridge (rice) Bread and butter Cheese Fruit tea and hot chocolate Fruits	ფაფა (შრიის) კარაქიანი პური, ყველი ხილის ჩაი და კაკაო ხილი Porridge (oat flakes) Bread and butter Cheese Fruit tea and hot chocolate Fruits
სადილი Dinner	ბოსტნეულის წვნიანი ოსპით ჩაშუშული ხორცი მაკარონის გარნირი ყველიოვანი კომბოსტის და ბროკოლის სალათი ტყეშის სოუსი პური წყალი Vegetable soup with lentil Meat Stew Pasta garnish Cauliflower and broccoli salad Plum sauce Bread Water	ქათმის ბულიონი ორცხობილით ქათამი მოხარშული ბრინჯის გარნირი სტაფილოს და ბულგარულს ჩხირები ტყეშის სოუსი პური წყალი Chicken soup with crouton Chicken (boiled) Rice garnish Bell pepper and Carrot sticks Plum sauce Bread Water	ბორში არაწვით ქაშაბი ვერძიმულის გარნირი მწვანე სალათი ტყეშის სოუსი პური წყალი Borscht with sour cream Kebab Vermicelli garnish Green salad Plum sauce Bread Water	ბოსტნეულის წვნიანი "მინესტრონე" თევზის კოტლეტი ბულგურის გარნირი კიტრის და პომიდვრის სალათი ტყეშის სოუსი პური წყალი Vegetable soup "Minestrone" Fish chops Bulgur garnish Cucumber and tomato salad Plum sauce Bread Water	მაწვნის სუპი ქათმის კოტლეტი სავეტის გარნირი ბერძნული სალათი ტყეშის სოუსი პური წყალი Matsoni soup Chicken cutlet Spaghetti garnish Greek salad Plum sauce Bread Water
სამაზარი Afternoon snack	ორცხობილა ხაჭო, არაფანი ხილის ჩაი ხილი Cookies Sour cream and cottage cheese Fruit tea Fruits	ხაჭაპური ხილის ჩაი იოგურტი ხილი Khachapuri Fruit tea Yoghurt Fruits	ფუნთიშა ხილის ჩაი მაწვინი ხილი Buns Fruit tea Yoghurt "Matsoni" Fruits	ზებრა ხილის ჩაი მაწვინი ხილი Zebra Fruit tea Yoghurt "Matsoni" Fruits	კრებები ჯემით ხილის ჩაი მაწვინი ხილი Crepes with jam Fruit tea Yoghurt "Matsoni" Fruits

12. საგანგებო სიტუაციების პროცედურები



ჩვენი ბაღი უზრუნველყოფს უსაფრთხო და ორგანიზებულ რეაგირებას საგანგებო სიტუაციების დროს, რათა დაცული იყოს ბავშვების და თანამშრომლების უსაფრთხოება.

საბავშვო ბაღში მოქმედებს დეტალური საგანგებო სიტუაციების პროცედურები.

ძირითადი პროცედურები მოიცავს:

- მიწისძვრისთვის მზადყოფნის წვრთნა – უსაფრთხო პოზიციის მიღება და დაცვა;
- ევაკუაცია – ხანძრის, აფეთქების ან სხვა საფრთხის შემთხვევაში მშვიდი და სწრაფი გამოსვლა შენობიდან;
- საპირისპირო ევაკუაცია – სკოლაში სწრაფად დაბრუნება, როდესაც გარეთ საფრთხეა;
- ლოქდაუნი – შენობის შიგნით არსებული საფრთხის დროს უსაფრთხო თავშესაფრის ძიება და გარე კარების ჩაკეტვა;
- ბომბის საფრთხე – ადმინისტრაციისა და საგანგებო სამსახურების მიერ განსაზღვრული მოქმედებები.

საერთო პრინციპები:

- საგანგებო სიტუაციაში პრიორიტეტია ბავშვების უსაფრთხო ევაკუაცია და მათი დაცვის უზრუნველყოფა.
- აუცილებელია, რომ მშობლებმა რეგისტრაციის დროს მოგვაწოდოს აქტიური საკონტაქტო ინფორმაცია (ტელეფონი, ელ.ფოსტა) და ცვლილების შემთხვევაში განაახლონ ის.
- საბავშვო ბაღის პერსონალი გადამზადებულია საგანგებო სიტუაციების მართვაში და იცის, როგორ იმოქმედოს კრიტიკულ ვითარებაში.
- საგანგებო სიტუაციის შემთხვევაში დაუყოვნებლივ ჩაერთვება განგაშის სისტემა და განხორციელდება ბავშვების ორგანიზებული ევაკუაცია დადგენილი მარშრუტებით უსაფრთხო ადგილას.
- პერსონალი მშობლების მოსვლამდე იზრუნებს ბავშვების უსაფრთხოებაზე.
- მშობლები მიიღებენ დროულ შეტყობინებას საგანგებო სიტუაციის შესახებ, შესაბამისი მითითებით.
- ბავშვები რეგულარულად მონაწილეობენ სხვადასვა ევაკუაციის სიმულაციებში, რათა იცოდნენ, როგორ უნდა იმოქმედონ საგანგებო სიტუაციაში.

წვრთნები:

ჩვენი მიზანია, შევინარჩუნოთ უსაფრთხო გარემო და ბავშვებს ვასწავლოთ, როგორ მოიქცნენ საგანგებო სიტუაციებში. ბაღში ტარდება წვრთნები, რომელთა დროსაც ბავშვები ეცნობიან უსაფრთხოების წესებს.

- მშობლები წინასწარ მიიღებენ ინფორმაციას დაგეგმილი წვრთნის შესახებ.
- წვრთნის დროს, გთხოვთ, თავი შეიკავოთ ბაღში ვიზიტისგან და არ ეცადოთ პერსონალთან დაკავშირებას.

13. ჩაცმულობის კოდექსი და პირადი ნივთები

კომფორტული და უსაფრთხო ტანსაცმელი

ბავშვის ტანსაცმელი უნდა იყოს თავისუფალი და მოსახერხებელი მოძრაობისთვის, რაც საშუალებას მისცემს ითამაშოს, იმოძრაოს და ჩაერთოს აქტივობებში.

- რეკომენდებულია სპორტული ან ყოველდღიური ტანსაცმელი.
- არ არის ნებადართული ჩამოკიდებული თასმები, გრძელი ზონარები ან სხვა ელემენტები, რომლებიც თამაშის დროს შესაძლოა საფრთხის შემცველი გახდეს.
- ფეხსაცმელი უნდა იყოს დახურული, კომფორტული და სწორი ძირით, რაც ხელს შეუწყობს ბავშვის უსაფრთხო გადაადგილებას.
- ტანსაცმელი უნდა იყოს სუფთა და მოვლილი.

თვითმომსახურების მხარდაჭერა

ბავშვების ტანსაცმელი უნდა იყოს მარტივად ჩასაცმელი და გასახდელი (მაგ., ელვა ან მარტივი შესაკრავები), რაც უწყობს ხელს მათი დამოუკიდებლობის განვითარებას.

სათადარიგო ტანსაცმელი

ბავშვისთვის ბაღში სათადარიგო ტანსაცმლის შერჩევა მნიშვნელოვანია, რათა ის კომფორტულად და სუფთად იყოს მთელი დღის განმავლობაში. გთავაზობთ საჭირო ნივთების ჩამონათვალს:

ძირითადი გამოსაცვლელი ტანსაცმელი:

- ქვედა საცვლები (1-2 წყვილი)
- წინდები (1-2 წყვილი)
- მაისური (1-2 ცალი)
- შარვალი/ შორტი (სეზონის მიხედვით, 1-2 ცალი)
- სვიტერი/ჰუდი (გააჩნია ამინდს)

დამატებითი ტანსაცმელი (ამინდის და საჭიროების მიხედვით):

- გრძელმკლავიანი მაისური (გრილი სეზონისთვის)
- ჟაკეტი ან თბილი მოსასხამი (ცივ ამინდში)
- თხელი პანამა ან კეპი (ზაფხულში მზისგან დასაცავად)

ჰიგიენის ნივთები:

- წყლის პირადი ბოთლი
- ძილის შემთხვევაში-პიჯამა

დამატებითი რეკომენდაციები:

- გამოსაცვლელი ტანსაცმელი მოათავსეთ ჩანთაში, რათა აღმზრდელებმა მარტივად იცნონ ბავშვის ნივთები.
- ამინდისა და ბაღის მოთხოვნების გათვალისწინებით პერიოდულად განაახლეთ ტანსაცმლის ნაკრები.

პირადი ნივთები

ადაპტაციის პერიოდში ბავშვებს შეუძლიათ თან ჰქონდეთ საყვარელი ნივთი (მაგ., რბილი სათამაშო), რაც კომფორტის შეგრძნებას შეუწყობს ხელს. ნივთები უნდა იყოს მარტივად შესანარჩუნებელი და უსაფრთხო.

შეზღუდვები

✗ არ არის რეკომენდებული ძვირფასი ან დიდი სათამაშოების მოტანა.

✗ აკრძალულია ისეთი ნივთები, რომლებიც შესაძლოა საფრთხის შემცველი იყოს (მაგ., პატარა ნაწილებიანი სათამაშოები, ბასრი ან მძიმე ნივთები).

სპეციალური შემთხვევები

თუ სასწავლო პროცესისთვის საჭიროა კონკრეტული პირადი ნივთი, პედაგოგი მშობლებს წინასწარ აცნობებს.



ეს რეკომენდაციები უზრუნველყოფს ბავშვის უსაფრთხოებას, კომფორტს და დამოუკიდებლობის განვითარებას საბავშვო ბაღში.

14. ბავშვის მოყვანისა და წაყვანის პროცედურები

- ბავშვის მოყვანისა და წაყვანისას, მშობელი ან ბავშვის კანონიერი წარმომადგენელი წინასწარ უნდა დაუკავშირდეს ჯგუფის პერსონალს (აღმზრდელს ან ასისტენტს) ტელეფონით.
- ჯგუფის პერსონალი უზრუნველყოფს ბავშვის უსაფრთხო შემოყვანასა და გაყვანას დაცვის პუნქტის გავლით.
- ბავშვი ბაღის ტერიტორიაზე ვერ შევა და ვერ დატოვებს მას ზედამხედველობის გარეშე.

- მშობლებს ან უფლებამოსილ პირებს კატეგორიულად ეკრძალებათ ბაღის წარმომადგენლებთან წინასწარი შეთანხმების გარეშე ბავშვის მარტო დატოვება ბაღის შესასვლელთან ან ეზოში.

უსაფრთხოების ზომები

წინასწარი სია: ბაღის მიერ მიწოდებულ კითხვარის შევსებისას მშობელმა უნდა წარადგინოს იმ პირების სია, ვისაც აქვს უფლება ბავშვის წაყვანის.

- იდენტიფიკაციის დადასტურება: უფლებამოსილმა პირმა წაყვანისას უნდა წარადგინოს პირადობის დამადასტურებელი დოკუმენტი.
- წინასწარი შეტყობინება: თუ ბავშვის წამყვანი პირი შეიცვლება, მშობელმა ან კანონიერმა წარმომადგენელმა წინასწარ უნდა აცნობოს ჯგუფის პერსონალს.
- მშობელთა/კანონიერ წარმომადგენელთა ვალდებულება: მუდმივად უზრუნველყონ საბავშვო ბაღში მათი საკონტაქტო მონაცემების განახლება.

ამ წესების და პროცედურების დაცვა აუცილებელია ბავშვის უსაფრთხოების უზრუნველსაყოფად



15. დასკვნითი სიტყვა

ძვირფასო მშობლებო,

გმადლობთ, რომ გახდით ჩვენი დიდი ოჯახის ნაწილი!

ჩვენთვის საამაყოა, რომ თქვენი შვილების აღზრდის პროცესში მიგვიღეთ თანამონაწილედ.

სიყვარულით და გულწრფელი მადლიერებით,

ევროპული საბავშვო ბაღის გუნდი



ი.სხირტლაძის #2, თბილისი 0177, საქართველო

kindergarten@europeanschool.ge

(+995 32) 214 42 44; (+995 32) 214 15 16; (+995 32) 239 59 64

WWW.EUROPEANSCHOOL.GE